

სსსპ სსრსსპსსსპ

სარაგაულის მუნიციპალიტეტის გაზეთი • 280 (7) 16 პარტი, 2015 წ

პრემიერმა მოწინავე რაიონებს შორის სარაგაულის დაასახელა

10 მარტს საქართველოს პრემიერ-მინისტრმა, ირაკლი ლარიბაშვილმა მუნიციპალიტეტის გამგებლებთან, მერებთან და გუბერნატორებთან შეხვედრა გამართა. მან გასული 2014 წელი შეაჯამა და ის ქალაქები და რაიონები გამოყო, სადაც ეფექტურად და სრულად აითვისეს გამოყოფილი თანხები. შეხვედრას ხარაგაულის მუნიციპალიტეტის გამგებელი, კობა ლურსმანაშვილი ესწრებოდა. ბატონმა ირაკლიმ მონიშნა რაიონებს შორის ხარაგაულიც დაასახელა. უფრო დეტალურად, რაზე ისაუბრა შეხვედრაზე ირაკლი ლარიბაშვილმა თავად გამგებელს გავესაუბრეთ.

„შეხვედრაზე საუბარი მუნიციპალიტეტებში დაგეგმილი პროექტებისა და პროგრამების განხორციელების მიმდინარეობაზე იყო. პრემიერს მიენოდა ინფორმაცია სამუშაოების შესრულების შესახებ, კერძოდ, როგორ მოახერხეს მუნიციპალიტეტებმა 2014 წელს მათთვის გამოყოფილი თანხების ათვისება.

ხარაგაულს ამ კუთხით არანაირი პრობლემა არ ჰქონია. ის, რომ ხარაგაული წარმატებულ მუნიციპალიტეტთა შორის დასახელდა, გასული წლების დაუღალავი შრომის შედეგია. 2013- 2014 წლებში რიგი მასშტაბური პროექტების განხორციელება მოახერხეთ. აშენდა სკოლა-დელი აღზრდის 7 დაწესებულება. გვაქვს ახალი კინოთეატრი, დაბის ტერიტორიის გზების 80%-ი მოასფალტებულია. რაიონის წლების განმავლობაში ჰქონდა საავადმყოფოს პრობლემა. ჯანდაცვის სამინისტროს გვერდში დგომით და დახმარებით ესეც მოვაგვარეთ და სულ მალე, აპრილის თვეში, ხარაგაულში უკვე დასრულდება ამბულატორიის მშენებლობა, რის შემდეგაც სტაციონარის მშენებლობა დაიწყება. ბიუჯეტის შესრულების კუთხითაც ხარაგაული წინ არის. 107%-ით გვაქვს ბიუჯეტი შესრულებული და ყველა პროგრამა რომელიც დაგეგმილი იყო განხორციელებულია.“

კობა ლურსმანაშვილი პრემიერ-მინისტრს



რის მიერ გაუფრთხილ იმ მოწოდებასაც გამოეხმაურა, რომლის მიხედვითაც ადგილობრივმა ხელისუფლებამ წარმომადგენლებმა მაქსიმალურად უნდა შეამცირონ ადმინისტრაციული ხარჯები.

„ჩვენ ადმინისტრაციული ხარჯების შემცირების კუთხით უკვე გადავდგით ნაბიჯები და დაწყებული გვაქვს მუშაობა იმაზე, თუ რომელ მუხლებში შეიძლება შევამციროთ თანხები. კერძოდ, ეს არის სატრანსპორტო, საკომუნიკაციო თუ წარმომადგენლობითი ხარჯები. სანავაზებო ხარჯების შემცირებას 30 % -ით ვაპირებთ, ასევე წარმომადგენლობით ხარჯებშიც, როგორც პრემიერ-მინისტრმა ბრძანა, 30%-იან დანაზოგს გავაკეთებთ; შევამცირებთ საპრემიო ფონდს - დანაზოგებს კი, რომელიმე პროექტის დასაფინანსებლად გამოვიყენებთ.“

მუნიციპალიტეტის გამგებელმა პრემიერ მინისტრის მიერ რეგონების ხელმძღვანელებისთვის მიცემულ რჩევებზეც ისაუბრა. პრემიერის აზრით, მათი მუშაობა ორიენტირებული უნდა იყოს რაიონის კეთილდღეობაზე და თითოეული ადამიანის პრობლემების მოგვარებაზე.

იკა შავიძე

ორი წელი სასამართლო პროცესი და აღდგენილი თანამდებობა

2013 წლის ნოემბერში საქართველოს ფოსტაში მომხდარი ცნობილი საკადრო ცვლილებები ყველას კარგად გვახსოვს. ფოსტის სხვადასხვა სტრუქტურებიდან მაშინ დაახლოებით 120 თანამშრომელი იქნა დათხოვილი. რეორგანიზაცია ხარაგაულის ფოსტის დირექტორს მანანა ტოროშელიძესაც რომ შეეხო, ჩვენი გაზეთის მკითხველმა ესეც კარგად იცის. ამის შემდეგ სამართლიანობის აღსადგენად და დაკარგული თანამდებობის დასაბრუნებლად ქალბატონმა მანანამ სასამართლო ინსტანციას მიმართა. იგი თვლიდა, რომ უსამართლოდ და უსაფუძვლოდ იყო გათავისუფლებული, მაშინ როცა 45 წელიწადი ფოსტაში მუშაობას შეაღია და მთელი ამ ხნის განმავლობაში ერთი საყვედურიც კი არ მიუღია.

„45 წელი ვიმუშავე ამ სისტემაში, ყველა პოზიცია, ყველა თანამდებობრივი საფეხური მაქვს გამოვლილი. ერთი საყვედურიც კი არ მახსოვს მიმდღის. მას შემდეგ, რაც საქართველოს ფოსტის სათავეში ახალი ხელმძღვანელობა მოვიდა ყოველგვარი ახსნა-განმარტების გარეშე დამითხოვეს სამსახურიდან. საქართველოს ფოსტისა და კავშირგაბმულობის პროცესში მისი დახმარებით ინდივიდუალური სარჩელი შევიტანე საქალაქო სასამართლოში. სარჩელის განხილვა 2013 წლის 22 ნოემბერს მოხდა, სასამართლოს გადაწყვეტილება კი 27 ნოემბერს გამოცხადდა და მოსამართლემ ჩემს სასარგებლოდ გამოიტანა გადაწყვეტილება.“

ყველაფერი ამით არ დამთავრებულა საქალაქო სასამართლოში პროცესის მოგების შემდეგ, მანანა ტოროშელიძის წინააღმდეგ საქართველოს ფოსტამ საჩივარი სააპელაციო სასამართლოში შეიტანა. ისინი აღნიშნავენ რომ სასამართლო გადაწყვეტილება ცალსახა და არაობიექტური იყო და მოსამართლემ მხოლოდ და მხოლოდ მიკერძოებული გადაწყვეტილება გამოიტანა. სააპელაციო სასამართლომ საქალაქო სასამართლოს გადაწყვეტილება უცვლელი დატოვა, რის შემდეგაც საქართველოს ფოსტამ უკვე საკითხი უზენაეს სასამართლოში გაასაჩივრა. უზენაესმა სასამართლომ კი საერთოდ არ განიხილა საკითხი და ქალბატონი მანანას სასარგებლოდ გამოიტანა გადაწყვეტილება უცვლელად დატოვა ძალაში.

„თითქმის ორი წელი გავიდა სასამართლო პროცესებზე სიარულში. საბოლოოდ სამართალმა იზიმა და ძველ თანამდებობაზე აღმადგინეს. პირველ რიგში, მინდა მადლობა გადავუხადო ყველა იმ ადამიანს ვინც გვერდით მედგა და მთელი ამ ხნის განმავლობაში მგულშემატკივრობდა. ამ ფაქტმა თავის მხრივ ცხადყო, რომ საქართველოში სასამართლოები ღირსეულად მუშაობს. მადლობა უფალს, ღმერთი სამართლიანია.“

ჩემი მხრივ, თუ კიდევ არავინ შემიშლის ხელს, კვლავ ვეცდები მრავალწლიანი გამოცდილება ისევ მოვახმარო ხარაგაულის ფოსტას. დაველოდოთ როგორ განვითარდება მოვლენები“ - აღნიშნა ჩვენთან საუბარში მანანა ტოროშელიძე.

ვულოცავთ ქალბატონ მანანას წარმატებით მოგებულ სასამართლო პროცესებს და ძველ თანამდებობაზე აღდგენას.

თეა ბერიძე

„სარაგაულკეთილმოწყობას“ მანქანა ორი წლის ვადით გადაეცა



11 მარტს საკრებულოს რეგარეშე სხდომა გაიმართა. დეკლარაციებში დღის წესრიგით გათვალისწინებული სამი საკითხი განიხილეს. საკრებულოს წევრებმა თანხმობა მისცეს მუნიციპალიტეტის გამგებელს, ხარაგაულის მუნიციპალიტეტის ბალანსზე რიცხული, დაბა ხარაგაულში 9 აპრილის ქუჩა N5-ში მდებარე შენობის პირველ სართულზე 85.0 კვ.მ ფართის ა(ა) იპ „სათნოების სახლისათვის“ გადაცემას. მათ ასევე მხარი დაუჭირეს

სოფელ უბისაში მონასტრის მიმდებარე ტერიტორიაზე არსებული მინის ნაკვეთების ს.ს.ი.პ საქართველოს მუნიციპალური განვითარების ფონდისათვის უსასყიდლო აღნაგობის უფლებით ორი წლის ვადით გადაცემის საკითხს.

შეგახსენებთ, რომ მუნიციპალური განვითარების ფონდი უბისის მონასტრის მიმდებარე ახორციელებს სამშენებლო სამუშაოებს. ფართი მათ წყალმომარაგება-კანალიზაციის სისტემის მოსაწყობად გადაეცათ.

სხდომაზე დღის წესრიგით გათვალისწინებულმა საკითხმა-ხარაგაულის მუნიციპალიტეტის ბალანსზე რიცხული ავტომატურად უაზ 31514 სახელმწიფო ნომრით LEO 634 ა(ა) იპ „ხარაგაულკეთილმოწყობისათვის“ გადაცემამ, საკრებულოს თავმჯდომარესა და საფინანსო-საბიუჯეტო კომისიის თავმჯდომარეს შორის დებატები გამოიწვია.

ვარლამ ჭიპაშვილს მიზანშეწონილად არ მიაჩნია კეთილმოწყობის სამსახურისათვის მანქანის გადაცემა, მაშინ როცა საკრებულოს ფრაქციებსა და კომისიებს სრულფასოვანი მუშაობისათვის არ ჰყავს მანქანა. მისივე განმარტებით, მანქანის რემონტისათვის მუნიციპალიტეტის ბიუჯეტიდან 3400 ლარია დახმარებული და მართებულ არაა, რემონტის ხარჯები საკრებულომ გაიღოს, ხოლო მანქანა კეთილმოწყობის სამსახურს გადაეცეს.

ინგა მალრადის თქმით, „მუნიციპალიტეტს არ აქვს შესაძლებლობა

გაგრძელება ▶ 2 გვ.

სარაგაულში აგებულ ორი წლის მშენებლობა სრულდა

12 მარტს ხარაგაულს საქართველოს შრომის ჯანმრთელობისა და სოციალური დაცვის სამინისტროს წარმომადგენლები ეწვივნენ. მათ სამშენებლო კომპანია „აი-სი-ი-ეს“-ის დამფუძნებლებთან ერთად სამგლის სერზე ამბულატორიის მშენებლობის პროცესი დაათვალიერეს. სამშენებლო კომპანიის წარმომადგენლებმა განაცხადეს, რომ ძირითადი სამუშაოები უკვე შესრულებულია, დარჩენილია მხოლოდ წერილობითი, რომლებსაც ვარაუდობენ, რომ მარტის ბოლომდე დაასრულებენ. კომპანიის ორგანიზატორები ჯანდაცვის სამინისტროს წარმომადგენლებთან ერთად გარკვეულ საკითხებზე შეჯერდნენ, შეთანხმდნენ და საბოლოოდ აღგვითქვეს, რომ დაახლოებით აპრილის შუა რიცხვებისთვის ხარაგაულში ამბულატორიის გახსნა დაიგეგმება.

„მთავარი შენობის დასრულება, როგორც ვხედავთ სამუშაოები ისეთი ტემპით მიმდინარეობს, რომ იგი მალე დასრულდება“ - აღნიშნა ჯანდაცვის სამინისტროს წარმომადგენელმა დავით ბიბილაშვილმა. „რაც შეეხება დანადგარებს, სპეციალურ აპარატებს, რენდგენებს



და საერთოდ სამედიცინო ინვენტარს რითაც ხენებულნი ამბულატორია უნდა აღიჭურვოს, ყველაფერი უკვე შექმნილია და ამ მხრივ საქმეს არ გავაჭიანურებთ. შემოტანა-დამონტაჟების პროცესი ორ კვირაზე მეტ ხანს ნამდვილად არ გაგრძელდება. ასე რომ ხარაგაულში ემერჯენს ამბულატორია ძალიან მალე გაიხსნება.“

თეა ბერიძე

„ხარაბაულ კეთილმოწყობას“ მანქანა ორი წლის ვადით გადაეცა

◀ 183.

რომელიმე ა(ა)იპ-ს ახალი მანქანა შეუძინოს, ამიტომ უფრო გონივრულად მივიჩნიე, შიდა რესურსით დაგვეკმაყოფილებინა კეთილმოწყობის სამსახურის მოთხოვნა. ჩვენ მაქსიმალურად უნდა ვეცადოთ, ადმინისტრაციული ხარჯები შევამციროთ. საკრებულოს განკარგულებაში სამი ავტომანქანა რჩება და კომისიებისა და ფრაქციების საქმიანობას ხელი არ შეეშლებათ.“

ვარლამ ჭიპაშვილი: ქალბატონო ინგა, თქვენ ადმინისტრაციული ხარჯის შემცირებაზე საუბრობთ მაშინ, როცა კეთილმოწყობის სამსახურს მანქანის შენახვისათვის დამატებითი თანხები უნდა გამოუყოთ. ეს ხომ იგივე ხარაბაულის მუნიციპალიტეტის ბიუჯეტიდან გახარჯული თანხაა? კომისიებმა რა ვქნათ, როგორ ვიმუშაოთ? სამსახურებრივი მოვალეობის შესრულებისთვის ხშირ შემთხვევაში ტაქსის დაქირავება მიწევს, თქვენ კი ათას ლიტრ სანავაგ ხარჯავთ თვეში და სად, ესეც საკითხავია.“

საკრებულოს თავმჯდომარის ინფორმაციით, კეთილმოწყობის სამსახურს ბიუჯეტში განსაზღვრული აქვს მანქანის სანავაგის და მოვლა-შენახვის ხარჯები და დამატებითი ფინანსების გამოყოფა ამ მიმართულებით საჭირო აღარ იქნება.

ფრაქცია „ერთიანი ნაციონალური მოძრაობის“ თავმჯდომარე თორნიკე ავალიშვილი ბიუჯეტში მანქანების მომსახურებისათვის გამოყოფილ თანხებს შეეხო. მის თქმით, ამ მიმართულებით საკმაოდ სოლიდური თანხებია გათვალისწინებული, რაც საზოგადოებაში ბევრ საეჭვო კითხვას ბადებს. მან ასევე განცხადება გააკეთა მანქანებზე დეფექტური აქტების შედგენის საკითხზე. მისი განმარტებით დეფექტური აქტები ლიცენზირებულ სამსახურში არ კეთდება, მას თავად მძღოლები ადგენენ, რაც კანონდარღვევაა.

თორნიკე ავალიშვილის განცხადებას გამოეხმაურა საფინანსო-საბიუჯეტო კომისიის თავმჯდომარე ვარლამ ჭიპაშვილი.

„ბატონო თორნიკე, პრაქტიკიდან გამომდინარე, იქნებ გვითხრათ, თქვენი მმართველობის პერიოდში როგორ ადგენდით დეფექტურ აქტებს და როგორ გადარიცხეთ ბიუჯეტიდან 30 000 ლარი დამტკრებული მანქანის შესაკეთებლად“.

თორნიკე ავალიშვილის თქმით, მათ ხელშეკრულება ჰქონდათ დადებული ლიცენზირებულ სამსახურთან, რომელიც ადგენდა დეფექტურ აქტებს.

ვარლამ (ტატო) თავზარაშვილის განმარტებით, 2014 წლამდე სს „ავტოტრანსთან“ იყო ხელშეკრულება დადებული, რომელიც უზრუნველყოფდა დეფექტური აქტების შედგენას. მუნიციპალიტეტს მიზანშეწონილად მიაჩნია, ამ მიმართულებით ტენდერით გამოავლინოს რომელიმე ორგანიზაცია. ამის გამო, რამდენიმე დეფექტური აქტის შედგენა მართლაც მოხდა, მაგრამ არა მარტო მძღოლის მიერ, არამედ გამგეობის შესაბამის სამსახურთან ერთად, რომელსაც კომისიურად მუნიციპალიტეტის ექვსმა მძღოლმა მოაწერა ხელი.

კამათისა და აზრთა სხვადასხვაობის შემდეგ დეპუტატების უმრავლესობამ მხარი დაუჭირა ა(ა)იპ „ხარაბაულკეთილმოწყობისათვის“ ორი წლის ვადით მანქანის გადაცემის საკითხს.

იკა შავიძე

ხარაბაულ საგაზაფხულო სამუშაოები აქტიურად მიმდინარეობს

სოფლის მეურნეობის სამინისტროს ხარაბაულის მუნიციპალიტეტის საინფორმაციო-საკონსულტაციო სამსახურის მთავარი სპეციალისტის ვაჟა მაჭავარიანის ინფორმაციით, მუნიციპალიტეტში აქტიურად მიმდინარეობს საგაზაფხულო სამუშაოები. დახვნის ღირებულება 13ა-ზე 140 ლარია და პირველ რიგში იმ ბენეფიციარების ნაკვეთები იქნება მოხუნული, რომლებიც ჩართული არიან მცირემშენიან ფერმერთა საგაზაფხულო სამუშაოების ხელშეწყობის პროექტში. მათ შპს „მეკანიზატორის“ 9 ერთეული ტრაქტორი მოემსახურება. საჭიროების შემთხვევაში შპს „მეკანიზატორის“ ზესტაფონის სერვის ცენტრიდან შესაძლებელი იქნება ტექნიკის დამატება. ამჟამად, პროექტის ფარგლებში, სოფელ კიცხში მოხუნულია 18 ჰა მიწა.

მიმდინარე წელს მუნიციპალიტეტში მცირემშენიან ფერმერთა საგაზაფხულო სამუშაოების ხელშეწყობის პროექტით 11 682 ბენეფიციარი ისარგებლებს, აქედან – 8 141 ხვნის ბარათით, ხოლო 3 541 - აგრობარათით. თუ მოსარგებლე ბარათის გამოყენების წესის შესაბამისად ვერ ახერხებს დაამუშაოს სასოფლო-სამეურნეო მიწის ნაკვეთი, ამ შემთხვევაში შეუძლია ბარათი დააბრუნოს გადასაცვლელად. რის შემდეგაც ფართობის შესაბამისად, აგრობარათზე დაერიცხება ქულები, 13ა-ზე გადაანგარიშებით 140 ლარი. შეგახსენებთ, რომ ფერმერები, რომელთაც გააჩნიათ 0,25 ჰა-დან 1,25 ჰა-ს ჩათვლით მიწის ნაკვეთი მიიღებენ სახნავ ბარათს ჰექტარზე -140 ლარის გაანგარიშებით, ხოლო ფერმერებს, რომელთა მიწის ფართობი 0,25 ჰა-მდეა, აგრობარათზე დაერიცხებათ 50 ლარი.



აგრობარათი „ლიბერთი ბანკის ფილიალებში“ გაიცემა, ბარათზე არსებული თანხის განაღდება შესაძლებელია სასოფლო-სამეურნეო მალაზიებში. ბენეფიციარს შესაძლებლობა ექნება შეიძინოს პროექტით განსაზღვრული სასოფლო-სამეურნეო საქონელი (სასუქი, სათესლე მასალა, მცენარეთა მოვლის საშუალებები). აგრობარათებით ისარგებლობა 20 მარტიდან იქნება შესაძლებელი. იკა შავიძე

საფეხბურთო კლუბ „ჩხერიმელას“ ფინანსური პრობლემები აქვს

ხარაბაულის საფეხბურთო კლუბი „ჩხერიმელა“ 2009 წელს დაფუძნდა და იგი ადგილობრივი ბიუჯეტიდან ფინანსდება. გუნდის დაფინანსების საკითხი მუდმივად ინვესტს ადამიანთა გარკვეული ჯგუფების უკმაყოფილებას. მიუხედავად დიდი წინააღმდეგობისა და აზრთა სხვადასხვაობისა „ჩხერიმელა“ დღემდე შენარჩუნებულ იქნა და პირველ ლიგაშიც ირიცხება. გუნდში ამჟამად ოცი ფეხბურთელი თამაშობს, მათგან ცხრა ხარაბაულელია. მიმდინარე წელს საფეხბურთო კლუბი 140 ათასი ლარით დაფინანსდა, მაგრამ ეს თანხა საკმარისი არ არის და ისინი გარკვეული პრობლემების წინაშე დგანან.

როგორც გუნდის დირექტორი, ზურაბ გიორგიძე ჩვენთან საუბარში აღნიშნავს, „დაფინანსების კუთხით გუნდში სერიოზული პრობლემებია. გასულ წელს ფეხბურთის ფედერაციიდან მივიღეთ 50 000 ლარი. იმედი გვქონდა, წელსაც დაგვადანანებდნენ, მაგრამ ვიდრე ფედერაციაში ადმინისტრაცია არ შეიცვლება, არაფერი გვეშველება. კლუბს აქვს საკმაოდ მცირე დაფინანსება, თუმცა ჩვენ ყველაფერს ვაკეთებთ წარმატებისათვის, ხანდახან საკუთარი ჯიბიდან მიწევს ფულის გაღება გუნდის შესანარჩუნებლად. მიმდინარე წლის დასასრულამდე 80 ათასი ლარით თუ არ დაფინანსდით, სავარაუდოდ გუნდი დაიშლება. რამდენიმე თამაში გვქონდა, რომელიც საკმაოდ კარგი შედეგებით დასრულდა. ხარაბაულში ფეხბურთის გუნდის არსებობა ერთგვარი სასიცოცხლო ნიშანია, ამიტომ მაქსიმალურად ყველაფერი უნდა გაკეთდეს იმისათვის, რომ „ჩხერიმელა“ შენარჩუნებულ იქნას.“

იკა შავიძე

„ნორჩ ჩხერიმელას“ ნაკრების ნევრებს სარეჟისო გადაეცა



10 მარტს, ხარაბაულს, სადისტრიუციო კომპანია შპს „გეოიმპექსის“ წარმომადგენლები ეწვივნენ. მათ სოსო და მურთაზ აბაშიძეების სახელობის სტადიონზე „ნორჩ ჩხერიმელას“ ნაკრების ნევრებს სარეჟისო გადასცეს. აღნიშნული კომპანია ყავა „პელეს“ ოფიციალური დილერია საქართველოში და უკვე დიდი ხანია, აქციის ფარგლებში საკუთარი სახსრებით მომავალ ფეხბურთელებს წამახალისებელი სარეჟისო და სხვადასხვა აქსესუარი აწვდიან. სწორედ ასეთი სახის აქცია გაიმართა ხარაბაულში. კომპანიამ ბავშვებს სპორტული ჩანთები, მაისურები, ქუდები და ფეხბურთის ბურთები გადასცა. „საქველმოქმედო აქციებს რეგიონების მასშტაბით ვატარებთ. პრიორიტეტად

იმ რაიონს მივიჩნევთ, რომელთა საფეხბურთო სკოლების ბავშვებიც ცოტა მოკლებულნი არიან ასეთი სახის ღონისძიებებს, წამახალისებელ სარეჟისოს. ნახეთ ალბათ როგორი ემოციებით გამოხატავდნენ ისინი სიხარულს. ყოველივე ეს ჩვენ სტიმულს გვაძლევს, რათა ასეთი აქციები უფრო მასშტაბური გახდეს. ყველა ის ნივთი და აქსესუარი რაც ჩვენ დღეს აქ ჩამოვიტანეთ, უშუალოდ ბრაზილიდანაა გამოგზავნილი. მინდა, სპორტულ კარიერაში, წარმატებები ვუსურვო ხარაბაულელ ბავშვებს, მოხარული ვიქნები თუ მათ სახელებსა და გვარებს ცნობილ საფეხბურთო კლუბებში ვიხილავ“ - აღნიშნა „გეოიმპექსის“ მენეჯერმა შმაგი ბზიკაძემ.

თაბა ბერიძე

სამუსიკო სკოლაში გაზაფხულის დადგომა მუსიკალური ჰანგებით აღნიშნეს

11 მარტს ხარაბაულის შოთა ბუაჩიძის სახელობის სამუსიკო სკოლაში ტრადიციული საგაზაფხულო ზეიმი გაიმართა. ღონისძიებაში მონაწილეობას მუსიკალური სკოლის თითქმის ყველა მოსწავლე იღებდა. მათ დამსწრე საზოგადოებას გაზაფხულის დადგომა მუსიკალური ჰანგებით მიულოცეს. შესრულდა ცნობილი კომპოზიტორების უკვდავი შედეგები, სხვადასხვა ლამაზი ნაწარმოები, რომელთაგან ზოგიერთი ვიოლინოს თანხლებით მიმდინარეობდა, რაც განსაკუთრებულად შთამბეჭდავს ელფერს სძენდა საგაზაფხულო ზეიმს. სამუსიკო სკოლის დირექტორმა, ქალბატონმა ლალი ალექსიძემ, მსმენელებს გაზაფხულის დადგომა მიულოცა. განსაკუთრებული მადლობა გადაუხადა პედაგოგებს თავდაუზოგავი და დაუღალავი შრომისთვის, იმ ღვაწლისთვის, რასაც ისინი სამუსიკო სკოლის მოსწავლეების მიმართ იღებენ. „ყველას გილოცავთ გაზაფხულის შემობრძანებას, ჩემო საყვარლებო, ლამაზებო, ისედაც თბილი გაზაფხულის დღეებს თქვენ მიერ აუღვრებული ჰანგები კი-



დეგ უფრო ათბობს და ალამაზებს. მეამაყებით და თითოეულ თქვენგანს მუსიკალურ სამყაროში უდიდესი მწვერვალების დაპყრობას გისურვებთ“ - მიმართა ქალბატონმა ლალი მოსწავლეებს. აქვე აღნიშნა, რომ მარტის ბოლოს რესპუბლიკური ტური „მომავლის ვარსკვლავები“ გაიმართება, რომელშიც სამუსიკო სკოლის ორი მოსწავლე, სალომე მაჭავარიანი

(ფორტეპიანო – პედაგოგი დარეჯან გვაძაბია) და ანა მაჭავარიანი (ვიოლინო – პედაგოგი თამარ ჩიმაკაძე) მიიღებენ მონაწილეობას. „ამ ტურისთვის განსაკუთრებულად, სერიოზულად ვემზადებით. იმედა ჩვენი შრომა შედეგს გამოიღებს და სალომე და ანა მომავლის ვარსკვლავები გახდებიან“.

თამარ მაღრაძე

შვილთა სიმრავლე დაბადავით!

მარტის თვის პირველი დეკადის ტრადიციული დღესასწაულებით („დედის დღე“, „ქალთა დღე“) მთელი სხივმოხილვითაა გამოხატული სამადლობელი სამყაროს უნაზესი და უმშვენიერესი ქმნილების, ქალის, მიმართ. გაზაფხული, ქალი, სიცოცხლე - ეს საოცარი სიტყვები - ერთ განზომილებაში თავსდება და ერთი ცნებით იკვეთება - სიცოცხლე! ამ ლეთიური ცნების ქვეკუთხედია ქალი, დედა, მეუღლე, თანამეცხედრე... მსოფლიოს ხალხთა ხელოვნების საგანძურში რომ ქალის თემას განსაკუთრებული ადგილი უჭირავს, არც ესაა შემთხვევითი...

გასულ წელს საზოგადოების მსჯელობის საკითხი იყო ქალთა მიმართ ძალადობა. შემზარავი ფაქტები გამოვლინდა... ოჯახური ყოფის ყოველ ეტაპზე აქტუალური იყო და არის დღესაც ისეთი საშიშრობის აქტი, როგორცაა აბორტი. იგი ძალადობის ყველაზე საშიშრო და საზარელი სახეა.

დვირფასო მკითხველო!
 აღნიშნული ძალზე ფაქიზი საკითხია. მე არც მედიკოსი ვარ და არც ჯანდაცვის სფეროს მუშაკი, მაგრამ ვარ ქალი, დედა, მოქალაქე, რომელსაც ჩვენი ქვეყნის დემოკრატიული სფეროც აწუხებს და, ზოგადად, ქალთა მდგომარეობაც. საუბრობენ აბორტზე და მთელი რისხვა თავს ატყდება ქალს. სიცოცხლის საწყისი ქალი, დედობის, ბედნიერებისა და სიტბო-სინაზის გრძნობის მატარებელი ქალი, არის სიცოცხლის საწყის ეტაპზე მომსპობ-გამანადგურებელი, მკვლეელი, შვილთა მკვლეელი - როგორ ფიქრობთ, ამაზე უმძიმესი სასჯელი არსებობს?

ძალიან მძიმეა ეს განაჩენი, მაგრამ იმავე დროს რატომ არ ხდება იმ სოციალური ფონის ჩვენება, რომელიც დღეს ქალი იმყოფება. აშკარად ვხედავთ, რომ მამა-მარჩენალი დღეს დედა-მარჩენალმა შეცვალა. ამას წინათ ერთ მშვენიერ პოეტურ კრებულში ასეთი სტროქონები ამოვიკითხე:

„შესარცხვენს იწყებს მატინას, ქვითინებს ქარი,

სხვა ქვეყნის ბავშვებს დასტრიალებს ქართველი ქალი...“
 რატომ? რატომ გადაიხვეწა უცხოეთში? განა მოხერხდა საკუთარი ქმარ-შვილის მოვლა? საკუთარ ეზო-კარში ფუსფუსი? რასაკვირველია, არა!

ხშირად სიამაყით ვაცხადებთ ხმამალა, რომ რუსთაველის ქვეყნის შვილები ვართ, რომ „ვეფხისტყაოსანი“ ჯერ კიდევ XII საუკუნიდან შეგვავიწყდება: „ლეკი ლომისა სწორია, ძუ იყოს, თუნდა ხვადია“

და აგერ ჩვენს დღევანდლობაში უამრავი დისერტაციაა დაცული გენდერულ თანასწორობაზე. დემოკრატიისა და გენდერული თანასწორობის სრული აყვავება - გაფურჩქვნის პერიოდში ავლაპარაკდით, რომ პარლამენტში საერთო შემადგენლობის სულ რაღაც 12% უკავიათ ქალებს. (რაოდენობრივად ეს რიცხვი არის 18) თუმცა ირკვევა, რომ არც მსოფლიო მასშტაბითაა თურმე ბალანსი ქალების სასარგებლოდ გადაწყვეტილი და მხოლოდ 21 პროცენტს შეადგენს. ჩვენ თურმე საკმაოდ ჩამოვრებით განვითარებულ ქვეყნებს და რეიტინგით 105-ე ადგილზე ვართ სირიასთან ერთად!!

(ჰოდა, არ დაგავიწყდეს, ეს მონაცემები იმ სადღეგრძელოს მივებათ, თამარ მეფის ღვანლის წარმოსაჩენად, ქართველი ქალის სადიდებად რომ წარმოვთქვამთ ხოლმე, თანაც განსხვავებული სასმისით!)

დვირფასო ქალბატონებო!
 თქვენს სიტბო-სიყვარულს ვუერთებ ჩემს გულისთქმას, გეფერებით და ვინატრებ, რომ ქმარ-შვილთან, ახლობლებთან ერთად გეზიუმით დედის დღეს, ქალთა დღეს და ყველა ჭეშმარიტი დღესასწაული. ისე წარმართულიყოს ცხოვრება, რომ მამა-მარჩენალს რეალურად დაბრუნებოდეს თავისი ფუნქცია და თვექი კი დედა-მარჩენლის ტიკვილიანი სტატუსი მოგშორებოდეთ, გაგძლიერებოდეთ ის უპირველესი მისია, რომლისთვისაც უფალმა ამქვეყნიურ მზიანეთში მოგავლინათ!

და მაინც, მინდა, უსაყვარლესი პოეტის შოთა ნიშნიანისი ლექსი „ძახილი“ შემოგთავაზოთ:

ზძახილი
 არ გალუულს და ფერწასულს გხედავ, ჩემო პანია, ცოდვილო დედა, ვაიმე, როცა შენს გულთან მჭრიდნენ, რაიმე ხომ არ გატკინე ნეტა.

არ შეგეშინდეს, შვილი ვარ შენი, შენი ტანჯული სისხლი და ხორცი, ნიავი ვარ და მგონია გშველი, - სიცხიანს, მწუხარს კულულზე გკოცნი.

მაგ ბავშვურ შუბლსაც გიკოცნი მორცხვად, გაბუხსულ ტუჩსაც, ბავშვურად ლამაზს... ახლა სული ვარ და უფალს ვლოცავ - შენს გადარჩენას ვულოცავ მამას.

მადლობა უფალს, რომ არ დაგველუპა, არ დამიბოლა ძმები და დები. მე კი, ბარტიყვიტ ტანშუბუშმლაგვს ცად ანგელოზმა მაჩუქა ფრთები

როგორ მინდოდა მეც მოგსწრებოდი, მეც გამეხარა ამ სამზეოთი, მეც დამეძახა შენთვის „დედიკო“ და მამას ყელზე შემოვხვეოდი.

ჩანწული ვიყავ მომავლის ფიქრთან, როგორც პეპელა ყვავილში რგული, დაბადებამდე რამდენი მაკლდა, ითვლიდა ჩემი პანია გული.

ალბათ, გგონივარ დაღლილი სხივი, ალბათ, გგონივარ სუნთქვა სითბო, შენ ხომ უძღებდი საკუთარ ტკივილს, მე კი, დვირფასო, შენიც მტკიოდა.

თურმე ტყუილად მომიხაროდა, შეხვედრა შენთან, ძმებთან და დებთან... ახლა მოგტირით სხვა სამყაროდან არარაობის ჩრდილი და სევდა.

რად გაანბილე ღვთის იმედები, რატომ შეშალე და გაამრუდე, ანგელოსების და პლანეტების კეთილი გათვლა და ვარაუდი?

 შოი, დედებო, რა პასუხს აძლევთ, რას ეუბნებით წარსულს და ხვალეს, ვინ მოუაროს ვაზივით გამძლე დედების მსურველ პატარა მხარეს! ვინ მოუაროს შენს ზვრებს და ანბანს, შენს ხმებს, ჩუქურთმებს, იმედებს, სიზმრებს. მაგ ცოდვას რაღა მირონი გაბანს და მაინც გამშრალ ტუჩებზე ვიმეცრევ! მირონო, ჩემო მინის მირონო, იმედო, რწმენავ - სულ შემენახე, სულ იარაგე, სულ ირიონე, სულ იგვევილო, სულ ივენახე.

კიდევ სად არის სხვა საქართველო? შვილის ლექსი და ციხის ქონგური. მინაში, დედა...
 და ვინ დათვალოს შვილი და ძირი, ჩემებრ მოკლული. თუ სვეტიცხოველს ვერ ავაგებდით, „ვეფხისტყაოსანს“ თუ ვერ დაწვნიდით, მაინც ზედმეტი და მოსაკვებით არ ვიქნებოდით შენთვის არცერთი... შვილთა სიმრავლე დაგბედებოდეს მტრედის გრუტუნით და მუხის ჩერო, ჩხებით, აკვნებით და ბუდეებით ამალღი, ჩვენო ფუძე და ჭერო!..

... ეს საგაზეთო წერილი რომ დავასრულე, ქუჩაში გამოვედი ახლობლის სახლისაკენ გავეშურე; მახლობელ ეზოდან ოთხი მოზარდის სიცოცხლით სავე ღვთიურმა სახემ შემომანათა... ცოტაც და სახლიდან ახალგაზრდა, მშვენიერი ქალბატონი გამოვიდა ბავშვით ხელში, ჩამოვდა ძელსკამზე, შემოხვივინენ შვილები... გზის მეორე მხარეს შევჩერდი, ნაბიჯი ვეღარ წავდიდი წინ, ერთბაშად ამ მადლმა დამატყვევა და უჩუმრად მოწყდა ჩემს პაგებებს სიცოცხლის პოეტური საგალობელი:

„რადგან სიცოცხლე ასე ნავარდობს, სიკვდილის ყველა კარი დარაზეთ და იმ ბედნიერ დღეს გაუშარჯოს როცა თქვენ გაჩნდით ამ ქვეყანაზე!“
 ამინ!

მერი გომრბიძე

ბენეფიციარებზე ბიოენერგოაქტივატორების უფასოდ გასევა ღაინყო

ხარაგაულის მუნიციპალიტეტის მასშტაბით პროექტის „ქართველი მეცნიერების მიღწევების დანერგვა სოფლის მეურნეობაში ბიოენერგოაქტივატორების გამოყენებით“ ამოქმედება მიმდინარე წლის თებერვლიდან დაიწყო. 19 თებერვალს, ხარაგაულის გამგეობაში ჩატარებულ შეხვედრაზე, პროექტის კოორდინატორმა ბატონმა მურმან არჯევანიძემ გააკეთა განცხადება, რომ ის ბენეფიცი-

არები, რომლებიც რეგისტრაციას გაივლიან უფასოდ მიიღებენ ბიოენერგოაქტივატორებს და ამას მუნიციპალიტეტის გამგეობა დააფინანსებს. ბიოენერგოაქტივატორები უკვე ჩამოვიდეს და დაბა ხარაგაულში, მუნიციპალიტეტის გამგეობის გვერდით, გალაკტიონ ტაბიძის ქ. N1-ში მდებარე ფიტო აფთიაქში განთავსდა.



და კუთვნილი ბიორაგები უფასოდ წაიღონ. იგი ასევე იქნება თავისუფალ გაყიდვაშიც. 100 გრამის ფასი - 18 ლარია. ყველაზე დიდი რაოდენობა რაც შეიძლება გლეხს ჩვენს პირობებში დასჭირდეს, მაქსიმუმ 200-300 გრამია. ვეტყვიტ რომ 1 ლიტრი ბიოენერგოაქტივატორი 200 ლიტრ წყალში იხსნება და მხოლოდ ამის შემდეგ ხდება გამოყენებადი. ზემოთხსენებული პროგრამა მომავალშიც გაგრძელდება და ვიმედოვნებ, რომ ქართველი გლეხის მოსავლიანობის დონე საკმაოდ მაღლა აიწვეს.“
 ბატონმა მურმანმა ერთხელ კიდევ უფრო კონკრეტულად და ვრცლად ისაუბრა ბიოენერგოაქტივატორების მნიშვნელობასა და როლზე ქართული კულტურების მოსავლიანობის გაზრდაში. „დიდი და ეფექტურია განსხვავება ჩვეულებრივ გაუფერებელ და ბიოაქტივატორით გაჯერებულ ნიადაგში მოყვანილ კულტურებს შორის. როცა პრაქტიკაში ამას ნახავთ, გაცდებიტ. ხელთ გვაქვს ინსტრუქცია, სადაც დანვრლებით წერია როგორ უნდა გამოვიყენოთ ბიორაგები. თუ იგი საკმარისი რაოდენობით გვაქვს შეგვიძლია პირდაპირ ნარგავის ძირში დავასხათ, მაგრამ თუ ცოტა გვინდა დაგზოვოთ მაშინ აუცილებელია ნერგის გარშემო ამოვბაროთ ისე, რომ ფესვი გამოვაჩინოთ, და უშუალოდ ფესვი შევიყვანოთ ბიოენერგოაქტივატორი. იგი არ შეიცავს არანაირ ქიმიურ ნივთიერებას და არც ცოცხალი ორგანიზმისთვისაა არაა საშიში.“

თეა პერიძე

ხარაგაულის N2 საჯარო სკოლაში უხსოვნოვანი ღონისძიება ჩატარდა



და რუსულ ენებს ანიჭებენ გარკვეულ პრივილეგიებს. N2 საჯარო სკოლაში კი ოთხივე უცხო ენა თანაბრობის პრინციპით ისწავლება. პედაგოგების თქმით, მსგავსი ღონისძიებები ენების პოპულარიზაციისთვის საჭირო და აუცილებელია.
 N2 საჯარო სკოლის დირექტორის, ვალერი გოგნაძის ინფორმაციით, „ღონისძიების ჩატარება მიმდინარე წლის მეორე სემესტრში იყო დაგეგმილი, მაგრამ უცხო ენების კათედრამ იგი გაზაფხულის დღესასწაულებს დაუკავშირა. სკოლაში ნამდვილად კარგი თაობა მოდის, რაც თვალნათლივ ჩანს და დამსწრე საზოგადოების მხრიდან დიდ მონონებასაც იმსახურებს. მომავალში ვგეგმავთ ასეთ ღონისძიებებს პროექტის სახე მივცეთ და უფრო მასშტაბური გავხადოთ. ამიტომ მივიღეთ გადაწყვეტილება, სასწავლო წლის დასრულებამდე მსგავსი ღონისძიება კინოთეატრში ჩავატაროთ. ვფიქრობ, ეს სხვა პედაგოგებს უფრო მეტ სტიმულს მისცემს. დღევანდელი დღე მეტად საინტერესო იყო. ღონისძიების ორგანიზატორებმა მაყურებელთა და მშობელთა კარგი შეფასება მიიღეს და ბევრი სამადლობელი სიტყვებიც დამისახურეს.“

დასასრულს ბატონმა ვალერმა უცხო ენის კათედრის პედაგოგებს მადლობა გადაუხადა და სიგელებით დააჯილდოვა.
 თამარ მაღრაძე

უცხო ენის კათედრის თანამშრომლებმა ერთხმად აღნიშნეს, რომ დღესდღეობით, საქართველოს მასშტაბით, სასკოლო პროგრამაში მხოლოდ ინგლისურ

ქალთა საერთაშორისო დღისადმი მიძღვნილი კონცერტი ხარაგაულში



8 მარტს ხარაგაულის კინოთეატრში, ქალთა საერთაშორისო დღისადმი მიძღვნილი კონცერტი ჩატარდა. ღონისძიება კულტურის ცენტრის (დირექტორი ვასილ კიკნაძე) და გამგეობის განათლების, კულტურის, სპორტის და ახალგაზრდულ საქმეთა სამსახურის (უფროსი ირინე ჩხეიძე) ორგანიზებით გაიმართა.

კალთა დღისადმი მიძღვნილი ღონისძიება ვასილ კიკნაძემ გახსნა. მან ქალბატონებს ვალერი გოგნაძის ლექსით მარტის დღესასწაულები მიულოცა. საღამო ქალბატონი ირინე ჩხეიძის ნაქმრულმა ლექსმა უფრო შთაბეჭდილება გახადა. ღონისძიებაზე კულტურის ცენტრთან არსებული იუმორისტიული ჯგუფის (ხელმძღვანელი მამუკა ჭიპაშვილი) „მხიარული სასიძოგების“ დებიუტი შედგა. ბიჭებმა დარბაზში მყოფ ქალბატონებს 8 მარტი მიულოცეს და სიმბოლურად ყვავილები გადასცეს.

ქუთაისის უნივერსიტეტის კულტურული სენატის კოორდინატორი ხარაგაულის საგანმანათლებლო რესურსცენტრს ესტუმრა

ხარაგაულის მუნიციპალიტეტის საგანმანათლებლო რესურსცენტრში ქუთაისის უნივერსიტეტის კულტურული ცენტრის კოორდინატორმა, ქალბატონმა შპია ურუჩიანიმ, შეხვედრა გამართა. მან ხარაგაულის საჯარო სკოლებისა და გიმნაზიის წარმომადგენლებს განუმარტა, თუ რატომ უნდა აირჩიოს აბიტურიენტმა ქუთაისის უნივერსიტეტი.

ქალბატონი შპია ურუჩიანი განაცხადდა, ქუთაისის უნივერსიტეტი, დედაქალაქის გარეთ, ერთადერთი კერძო, ავტორიზებული და აკრედიტირებული უნივერსიტეტი მთელ საქართველოში. იგი პროფესორული ხასიათისაა და აქ ხორციელდება საბაკალავრო, სამაგისტრო და სადოქტორო პროგრამები. უნივერსიტეტის ძირითადი მიმართულებებია ეკონომიკა, ბიზნესის ადმინისტრირება და ტურიზმის მენეჯმენტი. გვაქვს სოციალური პროექტებიც, რომელიც ამ სტატუსის ქვეშ მყოფი სტუდენტებისთვის ხელმეწყობას და გარკვეულ შეღავათებს ითვალისწინებს. უპირველეს ყოვლისა ეს სწავლის გადასახადზე აისახება. უნივერსიტეტში წლიური გადასახადი 2 250 ლარია. აბიტურიენტი, რომელიც განაცხადში პირველ ადგილზე ქუთაისის უნივერსიტეტს მიუთითებს მისი წლიური გადასახადი 2 000 ლარი იქნება. ნარჩინებული სტუდენტები სტიპენდიებს მიიღებენ. უნივერსიტეტში, მიმდინარე წელს, მეექვსე საგრანტო კონკურსი ჩატარდა და იგი 28 - 29 მარტს გაიმართება. კონკურსისთვის შერჩეული ტესტები ერთიანი ეროვნული გამოცდების ფორმატისაა. გრანტის მოსაპოვებლად საჭიროა

მინიმალური ქულა 40, ხოლო მაქსიმალური - 80. აბიტურიენტი, რომელიც უმაღლეს ქულას მიიღებს, 4 წლის განმავლობაში, ქუთაისის უნივერსიტეტიდან სრულად დაფინანსდება. ხოლო მე-2, მე-3 ადგილზე დასული აბიტურიენტები 50%-იან ფასდაკლებას მიიღებენ. თუ ეროვნული გამოცდების შედეგად სტუდენტს ქენება 100%-იანი დაფინანსება და იგი, ამავდროულად ჩვენს გრანტსაც მოიპოვებს, ეს უკანასკნელი მას სტიპენდიის სახით შეუნარჩუნდება.

ქუთაისის უნივერსიტეტს, ევროკავშირის მიერ დაფინანსებული საგანმანათლებლო პროექტების რაოდენობით, საქართველოს კერძო უნივერსიტეტებს შორის, პირველი ადგილი უჭირავს. ჩვენთან საერთაშორისო გაცვლითი პროგრამების დიდი არჩევანია. მაღალი აკადემიური მოსწრების სტუდენტები სასწავლებლად ევროპის სხვადასხვა უნივერსიტეტებში მიემგზავრებიან. ვუზრუნველყოფთ აბიტურიენტების პრაქტიკას და სტაჟირებას საქართველოს წამყვან ბანკებში, სადაზღვეო კომპანიებში, არასამთავრობო ორგანიზაციებში, სახელმწიფო სტრუქტურებში და ადგილობრივი თვითმმართველობის ორგანოებში. სწავლების თანამედროვე ტექნოლოგიების გამოყენებით უნივერსიტეტი გაძლევა შანსს სწავლის პარალელურად დასაქმდეთ, გაემგზავროთ უცხოეთში და გაიაროთ სასწავლო პროგრამა დისტანციურ რეჟიმში.

კონკურსი გაძლევა შანსს: დაადგინოთ რამდენად მზად ხართ ზოგადი უნარების გამოცდის ჩასაბარებლად;

დარწმუნდით თქვენს ფსიქოლოგიურ მზადყოფნაში; მოიპოვოთ უნივერსიტეტის მიერ დაწესებული ერთი 100% - იანი და ორი 50% - იანი სასწავლო გრანტი 4 წლის განმავლობაში; სახელმწიფო გრანტის მოპოვების შემთხვევაში უფასო სწავლის პარალელურად მოიპოვოთ სოლიდური ყოველთვიური სტიპენდია.

კონკურსში მონაწილეობის მიღება შეუძლიათ XII კლასის მოსწავლეებს ან სრული ზოგადი განათლების ატესტატის მქონე პირებს. კონკურსში მონაწილეობის მსურველებმა რეგისტრაცია უნდა გაიარონ ქუთაისის უნივერსიტეტში პირველ სართულზე ან ინტერნეტით ფოსტაზე: unik.grant@gmail.com.

რეგისტრაციისთვის უნდა წარმოადგინოთ: ცნობა სკოლიდან, რომ ირიცხებით XII კლასის მოსწავლედ ან სრული ზოგადი განათლების ატესტატი; პირადობის მოწმობის ასლი.

ვალები:

რეგისტრაცია - არაუგვიანეს 26 მარტისა; ტესტირება - 28 - 29 მარტს. კონკურსში მონაწილეობა უფასოა. ქ. ქუთაისი, ნეველის ქ.113, www.unik.edu.ge ტელ: 0 (431) 24 23 73; + 995 599 50 59 56; + 995 514 70 40 07. **თამარ მალრაძე**

სტუმრად პირველ მასწავლებელთან

შემოქმედ ადამიანს შთაგონების წუთები ახარებს. მასწავლებელს თვალუშუყნა გოგო - ბიჭების ცქერა, იმათი სიყვარული ასულდგმულებს, ფრთებს ასხამს და ცხოვრებას ულამაზებს.

3 მარტი ფრთების შემსხმელი და ცხოვრების გამლამაზებელი იყო, როცა კიცხის საჯარო სკოლის მეთავე კლასელები თავის პირველ მასწავლებელს, ქალბატონ ნაზი თუთბერიძეს ეწვივნენ. უსახლვერო სიყვარული და დიდი სიხარული გამოხატა მასწავლებელმა მათ მიმართ. სახე გაბრწყინებული და სიყვარულით სავსე თვალებით შესცქეროდნენ მოსწავლეები ჭაღარა მასწავლებელს და იმ სასიამოვნო დღეებსა და წუთებს იგონებდნენ, რომელიც ოთხი წლის მანძილზე ერთად განვლეს. მასწავლებელმა მათ მიმართ სიყვარული, სითბო და სიხარული ლექსებში გამოხატა, რომელიც მიუძღვნა: ლანას, ჯემალს, ანას, დიმას, დალის, გიორგის, ქრისტინეს და დიმას.

„მზის სხივებსაც უხარიათ, ამ სიხარულს ნეტავ რა სჯობს?! იხარეთ და იძლეგრძელით, თქვენ აქ მოსვლას გაუმარჯოს!

ყველას ერთად გადღეგრძელებთ დღეს თქვენ გამიხარეთ გული, ჩემთან მოსვლით დაამტკიცეთ მასწავლებლის სიყვარული. სკოლას რომ დავემშვიდობე, გულნატკეპნი, დაზავებული, ჩემთვის აღარ არსებობდა არც სითბო, არც გაზაფხული. დღეს ეს რწმენა თქვენ შეცვალეთ, მაგრძობნინეთ სითბო დიდი, უფალოს ვიხივ, რომ გაიხაროთ და ცხოვრება გქონდეთ მშვიდი. დიდ წარმატებებს გისურვებთ, დიდ ცხოვრების სავალ გზაზე, მოთმინებაც დიდი გქონდეთ, ნუ გადახვალთ ნურსად ზღვარზე...

კიცხის საჯარო სკოლის მე-10 კლასი იანა პავლევიჩი



იბერიის კალათბურთის ჩემპიონატი ღაინყო



1 მარტს სტარტი აიღო იბერიის კალათბურთის ჩემპიონატმა 2000-2001 წლებში დაბადებულ ჭაბუკთა გუნდებს შორის. ჩემპიონატის მონაწილეები 2 ჯგუფში არიან განაწილებული. „ა“ ჯგუფის პირველი ტური წყალტუბოში გაიმართა. „ბ“ ჯგუფის გუნდების შეხვედრებს ხარაგაულის სპორტული დარბაზი მასპინძლობს. 8 მარტს ერთმანეთს საჩხერე-ჭიათურისა და ხარაგაული-ზესტაფონის გუნდები დაუპირისპირდნენ.

ღონისძიების საზეიმო გახსნაზე იმყოფებოდა მუნიციპალიტეტის გამგებელი, კობა ლურსმანაშვილი. მან მონაწილე გუნდებს წარმატებები უსურვა.

საზეიმო ღონისძიებაში მონაწილეობა მიიღო ფოლკლორულმა ანსამბლმა „უბისმა“ და ბორის სკოლა-პანსიონთან არსებულმა ფოლკლორულმა გუნდმა „მთიები“.

იბერიის ჩემპიონატი ჭაბუკთა გუნდებს შორის, შეხვედრები შემდეგი შედეგებით დასრულდა: საჩხერე - ჭიათურა 61:42; ხარაგაული - ზესტაფონი 59:31

განკარგულება
ხარაგაულის მუნიციპალიტეტის ბაღანსხა რიცხვული დაბა ხარაგაულში 9 აპრილის ქუჩა #5-ში მდებარე პენსიონის კერძო სართულზე 85.0 კვმ. ფართობის „საბუნებისა და ადამიანის განვითარების“ პროექტის სახსრების გადანაწილების მიზნით გაიმგზავნა საქართველოს ორგანული კანონის „ადგილობრივი თვითმმართველობის კოდექსის“ 122-ე მუხლის მე-6 პუნქტის, 54-ე მუხლის პირველი პუნქტის „დ“ ქვეპუნქტის საფუძველზე ხარაგაულის მუნიციპალიტეტის საკრებულომ გადაწყვიტა: მუხლი 1. მიეცეს თანხმობა ხარაგაულის მუნიციპალიტეტის გამგებელს გადაცეს „ა.ა.ი.პ. „სათონების სახლს“ დაბა ხარაგაულში 9 აპრილის ქუჩა №5-ში მდებარე შენობის პირველ სართულზე მუნიციპალიტეტის ბაღანსხე რიცხვული 85.0 კვმ. ფართობის უსასყიდლო უზუფრუქტის ნესით ბენეფიციართა სასადალოს მოსანწესად. მუხლი 2. განკარგულება ძალაში შევიდეს ხელმოწერის დღიდან მუხლი 3. განკარგულება შეიძლება გასაჩივრდეს საქართველოს კანონის „საქართველოს ზოგადი ადმინისტრაციული კოდექსის“ 180 - ე მუხლით დადგენილი ნესით.

ინბა მალრაძე, საკრებულოს თავმჯდომარე

განკარგულება
ს.ს.ი.პ საბარათხელმძღვანელ მუნიციპალიტეტის განვითარების ფონდისათვის უსახლლო ადნაგოგის უზღავრით ორი წლის ვადით მუნიციპალიტეტის საკრებულომ დაბა ხარაგაულში არსებული მიწის ნაკვეთები (საკადასტრო კოდი 36.03.44.261; და 36.03.44.262) წყალმომარაგება კანალიზაციის სისტემის მოსანწესად. მუხლი 2. განკარგულება ძალაში შევიდეს ხელმოწერის დღიდან. მუხლი 3. განკარგულება შეიძლება გასაჩივრდეს საქართველოს კანონის „ზოგადი ადმინისტრაციული კოდექსის“ 180 - ე მუხლით დადგენილი ნესით.

ინბა მალრაძე, საკრებულოს თავმჯდომარე

„ჩხერიმელას“ მორიგი წარმატება

9 მარტს ხარაგაულში პირველი ლიგის გუნდებს შორის კიდევ ერთი მატჩი გაიმართა. ერთმანეთს დაუპირისპირდნენ ხარაგაულის „ჩხერიმელა“ და „სტუ დინამო“. შეხვედრა ძალიან დაძაბული გამოდგა. პირველ ტაიმში „სტუ დინამოს“ კარში გოლები გაიტანეს თორნიკე კიკნაძემ და თემურ სანიკიძემ. თამაშის მეორე ტაიმში საინტერესოდ წარიმართა. თემურ სანიკიძემ მონინალდმეგის კარში კიდევ ერთი გოლის გატანა მოახერხა. თამაში „ჩხერიმელას“ გამარჯვებით დასრულდა. „ჩხერიმელა“ - „სტუ დინამო“ 3:1.

<p>გამომცემელი</p> <p>ხარაგაულის მუნიციპალიტეტის გაზეთი ა) აიპ „ახალი ხარაგაული“.</p> <p>მის: ხარაგაული, 9 აპრილის ქ. №15, ტელ: 22 10 25;</p>	<p>რედაქტორი: ეკა შანიძე</p> <p>ტელ.: 595 51 98 12</p> <p>სარედაქციო კოლაჟია:</p> <p>თაე ბერიძე</p> <p>თამარ მალრაძე</p>	<p>რედაქციაში შემოსული მასალები არ რეცენზირდება და ავტორებს უკან არ უბრუნდება. გაზეთში დაბეჭდილი მასალებისა და სურათების მიწილანი ან ნაწილობრივი გამოყენება შესაძლებელია მხოლოდ რედაქციის თანხმობით. გამოქვეყნებული მასალების სიზუსტეზე პასუხს აკისრებს ავტორი. გამოთქმული მასალები შესაძლია არ ემთხვეოდეს რედაქციის თვალსაზრისს.</p>
--	---	---